




ხაშურის მოახბე



№18(342)

25 მაისი, ოთხშაბათი, 2022 წელი



ხაშურის მუნიციპალიტეტში სამოქალაქო (მონაწილეობითი) ბიუჯეტირების საპილოტე პროექტი იწყება

საწყის ეტაპზე, პროექტი სურამში, ქვიშეთსა და ცხრამუხაში განხორციელდება. ადგილობრივ ბიუჯეტში პროექტისთვის 300 000 ლარია გამოყოფილი, საიდანაც მოსახლეობის რაოდენობის გათვალისწინებით, სურამში 152 921 ლარი, ცხრამუხაში - 73 739 ლარი, ხოლო ქვიშეთში 73 340 ლარი დაიხარჯება.

დღესმონაწილეობითი ბიუჯეტის საბჭოს წევრები - საკრებულოს თავმჯდომარე ნინო ლიპარტელიანი მოადგილეებთან ლევან გამრეკელთან, ცოტნე ნოზამესთან და ნოდარ ლომიძესთან ერთად, ასევე მუნიციპალიტეტის მერის მოადგილე ზვიად ქურდაძე, საბიუჯეტო და იურიდიული სამსახურების ხელმძღვანელები

ლელა მაჭარაშვილი და დავით დვალაძე სურამის, ცხრამუხის და ქვიშეთის მოსახლეობას შეხვდნენ, სამოქალაქო (მონაწილეობითი) ბიუჯეტირების პროცედურები დეტალურად გააცნეს და შეკითხვებს უპასუხეს.

აღსანიშნავია, რომ საპროექტო იდეების მიღება უკვე დაწყებულია და აქტიურად მიმდინარეობს.

მოქალაქეთა თხოვნით, საპროექტო იდეების მიღების ვადა 20 მაისის ჩათვლით გახანგრძლივდა.

საპროექტო იდეის წარმოდგენა ხაშურის მუნიციპალიტეტში რეგისტრირებულ ნებისმიერ

გამარჯვებული პროექტის ავტორი ჩაერთობა პროექტის განხორციელების ყველა ეტაპზე.

საპროექტო იდეების წარმოდგენა შესაძლებელია ხაშურის მუნიციპალიტეტის მერიის მოქალაქეთა მომსახურების ბიუროში, ასევე ქვიშეთში, სურამსა და ცხრამუხაში მერიის წარმომადგენლების ოფისებში, ან მერიის ელექტრონულ ფოსტაზე: info@khashuri.gov.ge

საპლიკაციო ფორმები ხელმისაწვდომია ხაშურის მუნიციპალიტეტის მერიის მოქალაქეთა მომსახურების ბიუროში, ასევე ქვიშეთში, სურამსა და ცხრამუხაში მერიის წარმომადგენლების ოფისებში, ასევე ხაშურის მუნიციპალიტეტის მერიის ვებ გვერდზე: khashuri.gov.ge

მონაწილეობითი ბიუჯეტირება არის ნებაყოფლობითი, უნივერსალური და უშუალო (პირდაპირი) დემოკრატიის პროცესი, რომლის საშუალებითაც ხალხი აწარმოებს დიალოგს და იღებს გადაწყვეტილებას ბიუჯეტისა და სახელმწიფო პოლიტიკის შესახებ. მოქალაქეები არ შემოიფარგლებიან მხოლოდ აღმასრულებელი და საკანონმდებლო ხელისუფლების წევრთა არჩევნებით, არამედ უშუალო მონაწილეობას იღებენ საბიუჯეტო პრიორიტეტების დადგენისა და სახელმწიფო ხელისუფლების კონტროლის პროცესებში.



მოქალაქეს შეუძლია 14 წლის ასაკიდან, გარდა მუნიციპალიტეტის მერიისა და საკრებულოს თანამშრომლებისა და საკრებულოს წევრებისა.

საპროექტო იდეები, რომლებიც წინასწარ განსაზღვრულ კრიტერიუმებს დააკმაყოფილებს, გადავა კენჭისყრის ეტაპზე, სადაც გამარჯვებული პროექტი ფარული ხმის მიცემით გამოვლინდება.



- ისტორიული ქრონიკები -

თავისუფლებიდან
---თავისუფლებამდე

1918 წლის 26 მაისი საქართველოს ისტორიის ერთ ერთი უმნიშვნელოვანესი თარიღია. თარიღი, როდესაც საქართველომ შეძლო, კიდევ ერთხელ, მართალია მცირე ხნით, თავისუფლების მოპოვება. რაც ჩვენნი ბრძოლის და რაც მთავარია, ჩვენნი დამპყრობელი სახელმწიფოს დასუსტების და დაშლის შედეგად მოხდა. მაგრამ რუსეთის სახელმწიფომ მალე მოახერხა მოდერნიზება, მომძლავრება და კვლავ შეძლო იმპერიის აღდგენა თითქმის ძველ საზღვრებში.

ზემოთ ჩამოყალიბებული ფორმულა მეორდება დღესაც, თუ რა იქნება ახლო მომავალში, მწელი სათქმელია, ერთი კი ნათელია, რომ ჩვენ მსოფლიო პროცესებზე ზემოქმედების ძალიან უმნიშვნელო, ან არავითარი ბერკეტი არ გავაჩნია და გვაქვს მხოლოდ ამ პროცესების სწორი შეფასების და მასში ჩვენი სამომავლო ადგილის განსაზღვრის საშუალება, ისე, რომ არაფერი დაკარგოთ და, თუ შესაძლებელია, მოგვბაც ვნახოთ.

ამ წერილით მინდა, კიდევ ერთხელ ზოგადად გავისხენო ჩვენ რაიონში გასული საუკუნის ოთხმოციანი წლებში განვითარებული მოვლენები და პიროვნებები, რომლებიც საქართველოს დამოუკიდებლობისათვის აქტიურად იბრძოდნენ.

საბჭოთა სახელმწიფომ, თავისი მკაცრი რეპრესიული პოლიტიკის საშუალებით შეძლო გაენადგურებინა, მათი პოზიციით, სეპარატისტული განწყობები იმპერიის ფარგლებში. მაგრამ შეუძლებელი იყო ამ განწყობის სრული მოსპობა, რადგან ქართველებისათვის მუდამ დამოუკიდებლობისათვის ბრძოლა, ისტორიული მოცემულობა და ქართველის გენეტიკურ კოდშია ჩადებული.

საბჭოთა სახელმწიფოს პოლიტიკა რომ მისთვისვე დამლუპველი იყო, კარგად გამოჩნდა გასული საუკუნის სამოცდაათიან წლებში, როდესაც ნათელი გახდა სოციალისტური წყობის, როგორც ეკონომიკური, ასევე პოლიტიკური სისუსტეები და ნელ-ნელა დაიწყო სისტემის რღვევა. შესაბამისად, გაძლიერდა ეროვნული განწყობების გამოყვანება. პირველი მნიშვნელოვანი გამარჯვება ქართველებისათვის იყო 1978 წლი 14 აპრილი, როდესაც იმპერია იძულებული გახდა უკან დაეხია და ქართულმა ენამ შეინარჩუნა სახელმწიფო ენის სტატუსი. ამ გამარჯვებამ მძლავრი მუხტი მისცა ეროვნული მოძრაობის განვითარებას, მიუხედავად სახელმწიფოს მცდელობისა, გამოჩენენ ახალი ეროვნულად მოაზროვნე ლიდერები. ოთხმოციანი წლების დასაწყისში ყველას პირზე ეკერა ზვიად გამსახურდიას, მერაბ კოსტავას, თამარ ჩხეიძის სახელები, იქმნებოდა იატაკქვეშა ჯგუფები და პარტიები, იყო ანტისახელმწიფოებრივი პროკლამაციების გავრცელების მცდელობა. მაგრამ, ჯერ კიდევ ფეხზე მყარად მდგარი, საბჭოთა კავშირი ახერხებდა ამ გამოვლინებების ჩახშობას, რეპრესიული მეთოდების საშუალებით, თუმცა, მუხტი კიდევ უფრო ძლიერდებოდა.

ხაშურის რაიონში, ამ პერიოდში, ეროვნული ძალები თავს იყრიდნენ ხაშურის მხარეთმცოდნეობის მუზეუმში, მისი დირექტორის, თამაზ ლაცაბიძის გარშემო. სწორედ აქ იკრიბებოდა ის ხალხი, რომლებმაც შემდეგ შექმნეს, რაიონში მოქმედი, თითქმის ყველა პარტია და საზოგადოება.

ეროვნული ძალების გააქტიურება განსაკუთრებით მოხდა ილია ჭავჭავაძის დაბადების 150 წლის იუბილის აღნიშვნის პერიოდში. ჩვენს რაიონში გიორგი ცხვედამემ სცადა ილია ჭავჭავაძის საზოგადოების ფილიალის შექმნა, მაგრამ უშედეგოდ.

პირველი საზოგადოებრივი გაერთიანება, რომელიც შეიქმნა ხაშურის

რაიონში იყო სრულიად საქართველოს რუსთაველის საზოგადოების ხაშურის ორგანიზაცია, რაც 1988 წლის 16 დეკემბერს მოხდა. საზოგადოების გამგეობის თავმჯდომარედ აირჩიეს მხარეთმცოდნეობის მუზეუმის დირექტორი თამაზ ლაცაბიძე, ხოლო გამგეობის წევრებად მურად მთვარელიძე, მერი ადეიშვილი, გიორგი გოგოლაძე, კლიმენტი სუთიაშვილი, ციციო ბურნაძე, შოთა ჯიბუტი, ეკა ბაქრაძე, გიორგი ლობჯანიძე, ალექსანდრე ელიაშვილი, ოთარი ხაჩიძე, დალი ტატიშვილი, რევაზ ქავიანიძე, მაყვალა ხაჩიძე.

ამავე პერიოდში დაიწყო პირველი მიტინგების ჩატარებაც, კერძოდ, 1988 წლის 20 ნოემბერს ხაშურელი სტუდენტების ერთი ჯგუფის ინიციატივით ჩატარდა პირველი სანქცირებული მიტინგი ხაშურის საგალანტერო ფაბრიკის სააქტო დარბაზში, განსაკუთრებით აქტიურობდნენ ხვიჩა შავიძე და გიორგი ყველაშვილი.

რუსთაველის საზოგადოების ინიციატივით, 1989 წლის 8 თებერვალს, მამუკაშვილად აღინიშნა დავით აღმაშენებლის საზოგადოებრივ ასპარეზზე გამოსვლის 900 წლისთავი.

ამ ეტაპზე სახელმწიფო ჯერ კიდევ ცდილობდა საზოგადოებრივი აქტიურობა თავისი გავლენისათვის დაექვემდებარებინა, პარტიის ხაშურის რაიონში სხვადასხვა ღონისძიებებით ცდილობდა პროცესების მართვას, ამისი კარგი მაგალითია რკინიგზის ხაშურის 25-ე (მე-9 საჯარო) სკოლაში განვითარებული მოვლენები. აღმოჩნდა, რომ აქტიური სტუდენტების დიდი ნაწილი ამ სკოლის კურსდამთავრებული იყო და სკოლის მოსწავლეებშიც საკმაოდ ძლიერი იყო ანტისაბჭოური განწყობები. რაიონმა გადაწყვიტა ამ „ფენომენის“ შესწავლა და რეაგირება. საბოლოოდ, სამსახურიდან გაანთავისუფლეს ამ სკოლის სასწავლო ნაწილის გამგე, ღვაწლმოსილი, ხანდაზმული პედაგოგი ნინო მახათაძე, რაც მისი გარდაცვალების მიზეზი გახდა.

ამკარა იყო, რომ ხელისუფლებას პროცესების მართვა უფრო და უფრო უჭირდა, როგორც მოსალოდნელი იყო, მან ცადა ძალის გამოყენებით დაელაგებინა სიტუაცია და მოხდა 9 აპრილის ტრაგიკული მოვლენები, რამაც სათავე დაუდო, მთელი კავშირის მამუკაბით, სისტემის საბოლოო ჩამოშლის დაწყებას. 9 აპრილის მოვლენებში მონაწილეობდნენ ხაშურელი ახალგაზრდებიც. ამ ტრაგედიამ შეძრა მთელი საქართველო, ხაშურში 11 აპრილს გაიმართა დიდი მიტინგი, 18 მაისს, ქალაქის ცენტრში, კინოთეატრ „რუსთაველთან“, მიმშლილობა დაიწყო ახალგაზრდების ერთმა ჯგუფმა. მათ მიმშლილობა შეწყვიტეს, როდესაც დაკმაყოფილდა ძირითადი მოთხოვნა, გაანთავისუფლეს 9 აპრილის ტრაგედიის შემდეგ დაპატიმრებული ლიდერები.

უკვე სიტუაციის კონტროლი შეუძლებელი იყო და კომუნისტურმა ხელისუფლებამ ცადა სიტუაციისადმი ადაპტირება. მაგრამ უშედეგოდ.

აქ მინდა ჩამოვთვალო ის პარტიები, ორგანიზაციები და მათი ხელმძღვანელები რომლებიც ეროვნულ მოძრაობაში მონაწილეობდნენ, ეგრეთ წოდებული „არაფორმალები“:

„ საქართველოს სახელმწიფოებრივი აღდგენის პარტია“--- თავმჯდომარე გიორგი ცხვედამე. გამგეობის წევრები ზურაბ გოგრიჭიანი, მამია ჩადუნელი.

„ ეროვნული- დამოუკიდებლობის პარტიის ხაშურის ფილიალი“--- თავმჯდომარე აქესენტი გოგალაძე, მთავარი კომიტეტის წევრები ალიკო ღონდაძე, მალხაზ გოგოლაძე, თამაზ ლომიძე, ზურაბ მესხი.

„ საქართველოს ქრისტიან- დემოკრატიული ახალგაზრდობის ასოციაციის ხაშურის ფილიალი“---თავმჯდომარის მოვალეობის შემსრულებელი კობა ახალკაცი.

„ ხაშურის რეგიონალური სახალხო ფრონტი“--- თავმჯდომარე ალექსანდრე ელიაშვილი, გამგეობის წევრები კლიმენტი სუთიაშვილი, ოთარ ცერიაშვილი.

„ ჰელსინკის კავშირის ხაშურის ორგანიზაცია“---თავმჯდომარე ტარას კილაძე, გამგეობის წევრები: ალექსანდრე კაკიაშვილი, ომარ(გია) ღამბაშიძე, ვხტანგ ლაცაბიძე, გივი იმერლიშვილი, გურამ პაპიძე, დავით ჩადუნელი.

„ წმინდა ილია მართლის საზოგადოების ხაშურის ორგანიზაცია“---თავმჯდომარე როინი ხვედელიძე.

„ დავით აღმაშენებლის საზოგადოების ხაშურის რაიონული ორგანიზაცია“--- თავმჯდომარე მურთაზ ლიპარტელიანი.

„ დვთის შვილთა კავშირი“ ინვალიდთა ასოციაცია“.

9 აპრილის შემდეგ უკვე ამკარა გახდა რომ საბჭოთა იმპერია აუცილებლად დასრულდებოდა, მხოლოდ დრო იყო საჭირო. იგი ვეღარ შეძლებდა შიდა პრობლემების მოგვარებას გაზრდილი საერთაშორისო ზეწოლის პირობებში.

ხელისუფლება იძულებული გახდა მიეღო საქართველოს მრავალპარტიული უზენაესი საბჭოს არჩევნების შესახებ კანონი. არჩევნები 1990 წლის 30 ოქტომბრისათვის დაინიშნა.

ამავე პერიოდში, ეროვნული ძალების ერთმა ნაწილმა, ეროვნული დამოუკიდებლობის პარტიის ინიციატივით, ჩატარა ეროვნული კონგრესის არჩევნები. ეს იყო პირველი სერიოზული განხეთქილება ეროვნულ მოძრაობაში, რამაც შემდეგ საგალალო შედეგებამდე მიგვიყვანა.


უზენაესი საბჭოს არჩევნებზე, პროპორციულ ნაწილში, უპირობოდ გაიმარჯვა საარჩევნო ბლოკმა „მრავალი მაგიდა- თავისუფალი საქართველო“, ხოლო ხაშურის რაიონის საარჩევნო ოლქში დარეგისტრირებული მაჟორიტარი კანდიდატებიდან მეორე ტურში გავიდნენ გივი იმერლიშვილი --- „მრავალი მაგიდა- თავისუფალი საქართველოს“ ბლოკის წარმომადგენელი და როლანდ მულაძე „საქართველოს კომუნისტური პარტიის“ წარმომადგენელი.

არჩევნების მეორე ტური 1990 წლის 11 ოქტომბერს ჩატარდა. მაჟორიტარი დეპუტატი ხაშურის რაიონიდან გახდა გივი იმერლიშვილი. რომელიც მოგვიანებით დაინიშნა ხაშურის რაიონის პრეფექტის თანამდებობაზე. ხოლო 1991 წლის 9 აპრილს, ხაშურის რაიონის სახელით, ხელი მოაწერა საქართველოს დამოუკიდებლობის აქტს.

საქართველომ მოიპოვა, მართლაც რომ ნანატრი თავისუფლება. შემდეგ განვითარებული მოვლენები, --სამოქალაქო ომი, ომები ცხინვალსა და აფხაზეთში, დაკარგული ტერიტორიები, ლტოლვილები, უცხოეთში გადახვეწილი უამრავი ადამიანი, გაურკვეველი ხვალისდელი დღე, ეს ის ფასია, რომელსაც ვიხდით თავისუფლებისათვის, გეოპოლოტიკური გადანაწილების ქარცეცხლში მოხვედრილები.

დავით ჩადუნელი,

ხაშურის მხარეთმცოდნეობის მუზეუმის
წიგნადი ფონდების მცველი



„თანასწორობისთვის“ ესაა სახელწოდება ახალი პროექტისა, რომელიც ხაშურის მუნიციპალიტეტის გენდერული თანასწორობის საბჭოსა და „ხაშურის მოამბის“ რედაქციის ერთობლივი მონაწილეობით განხორციელდება. პროექტი მოიცავს სტატიების ციკლს, რომელშიც უფრო ახლოს გაგაცნობთ ჩვენს თანაქალაქელ საინტერესო ადამიანებს მათივე ცხოვრებისეული ისტორიებით. ვფიქრობთ, აუცილებელიცაა უფრო მეტად წარმოჩინდნენ ის პიროვნებები, რომლებიც მონაწილეობენ ჩვენი მუნიციპალიტეტის პოლიტიკურ, კულტურულ და საზოგადოებრივ სფეროებში და ღრმა კვალს ტოვებენ. პროექტის იდეა და არსი სწორედ ესაა. დღეს პირველ სტუმარს ვმასპინძლობთ, კაცს, რომელსაც ქართულ-უკრაინული ურთიერთობებისა და მეგობრობის გაღრმავებაში საკმაოდ წონადი წვლილი აქვს შეტანილი.

ხაშურის „საპატიო ელჩი“ უკრაინაში

„შენ სამშობლოში შენი ოჯახის დესპანი უნდა იყო და სამშობლოს გარეთ - შენი ერის დესპანი, რადგან შენი საქციელი შინ შენი ოჯახის სახეა და გარეთ - შენი ერის!“ - უნებლიე პარალელს ვაკლებ ჭაბუა ამირეჯიბის ცნობილი რომანის გმირის ამ სიტყვებსა და ადამიანს შორის, რომელსაც არა მარტო საქართველოში, ქვეყნის გარეთაც კარგად ცნობენ.

განა ბევრი გვყავს ქართველი, რომელიც უკრაინის საპატიო მოქალაქე, მრავალი მედლისა და ორდენის მფლობელია? ქართველ და უკრაინელ ხალხთა შორის მეგობრობაში შეტანილი პირადი წვლილი დააფასა უკრაინელმა ხალხმა. მინიჭებული აქვს უკრაინის სახელმწიფოს წინაშე დამსახურებისათვის II და III ხარისხის ორდენები (2007, 2012 წლები); დაჯილდოებულია ნოვოგრაძვოლინსკის ორდენით „ზვიაგელ“ (2006 წელი); ლესია უკრაინკას სამშობლოს - უკრაინის საპატიო მოქალაქე (2009); აირჩიეს როვნოს სახელმწიფო უნივერსიტეტის საპატიო პროფესორად (2013); 2021 წელს, ლესია უკრაინკას 150 წლისთავთან დაკავშირებით, დააჯილდოვეს ლესია უკრაინკას საიუბილეო მედლით. კიდევ ორი სახელმწიფო ორდენი აკლია ამ ჩამონათვალს, რომელზეც ბატონი ტარიელი 2016 და 2020 წლებში იყო წარდგენილი და გარკვეული მიზეზების გამო ვერ მიიღო.

ტარიელ გოგოლაძე დაიბადა სურამში, 2002-2003 წლებში იყო ხაშურის რაიონის ასოცირებული საკრებულოს თავმჯდომარე, უფრო ადრე, 1996 -2007 წლებში არჩეული იყო სურამის გამგებლად და საკრებულოს თავმჯდომარედ. 2007 წლიდან ლესია უკრაინკას საზოგადოების თავმჯდომარეა საქართველოში. სწორედ ამ პერიოდში დაიწყო ფიქრი ლესიაობის დღესასწაულის აღდგენაზე, რომელიც სურამში ყოველწლიურად, შემოდგომაზე აღინიშნება. უკრაინელმა პოეტმა ქალმა ლესია უკრაინკამ (ლარისა კოსაჩმა), სიცოცხლის უკანასკნელი დღეები დაბა სურამში გაატარა. მას ეკუთვნის სიტყვები, რომლებიც დღესაც მოწოდებასავით გაისმის: „მე რომ უკრაინელი არ ვიყო, ვისურვებდი



მუზეუმის აღდგენაზე, რომელიც 2014 წელს უკრაინაში საომარმა მოვლენებმა შეაფერხა და 2020 წლიდან განახლდა.

- 3 აგვისტოს, სახლ-მუზეუმის გახსნიდან საიუბილეო 70 წელი სრულდება. შარშან რესტავრაცია გაუკეთდა სურამში ლესია უკრაინკას ძეგლის კვარცხლბეკს, წელს მიმდინარეობს ძეგლის გარშემო სკვერის კეთილმოწყობა ადგილობრივი ბიუჯეტით, დიდი მადლობა ამისათვის ბატონ თენგიზ ჩიტიაშვილსა და ქალბატონ ნინო ლიპარტელიანს. შენდება ლესია უკრაინკას ახალი ორსართულიანი მუზეუმი, ორ ერს შორის მეგობრობის კერა, რომლის კარკასი უკვე მზადაა. საქართველოს კულტურის სამინისტრომ 400 ათასი ლარი კიდევ გამოჰყო მშენებლობისათვის, გამარჯვებული გამოვლინდა 4 მაისს, უახლოეს დღეებში გაგრძელდება ლესიას მუზეუმის მშენებლობა, დიდი მადლობა კულტურის სამინისტროს და საქართველოს მთავრობას. - აღნიშნავს ტარიელ გოგოლაძე.

ტარიელ გოგოლაძე, როგორც ხიდი ორ ერს შორის მეგობრობისა და ურთიერთპატივისცემის, დღემდე მეგობრულ ურთიერთობას აგრძელებს უკრაინის ყველა ელჩთან. არ წყდება სატელეფონო ზარები. დღეს უკრაინა განსაცდელშია, შეგროვდა ჰუმანიტარული ტვირთი, მედიკამენტები და ფულადი დახმარება. ვისთვის იქნებ უმნიშვნელო დეტალია, მაგრამ მე გმირობად მიმაჩნია, ის, რომ თვითონ ინსულინდამოკიდებულმა, უკრაინელებს ინსულინის ათეულობით დოზა გაუზავნა. დევნილი ადამიანები შეიფარა და ოჯახები მის გარშემო დღესაც გამოთქვამენ საამისოდ მზადყოფნას. უკრაინელ და ქართველ ხალხთა შორის გადებულ მეგობრობის ხიდს ვერანაირი პროპაგანდა, დეზინფორმაცია და მტრობა ვერ შეარყევს, როდესაც ასეთი ადამიანები, თავის ლამაზ ოჯახთან ერთად, არიან ამ მეგობრობის სათავეში.

და ერთიც: როგორც ბატონი ტარიელი ამბობს, გვჯერა, უკრაინა და მასთან ერთად მთელი ცივილიზებული სამყარო გაიმარჯვებს ამ უთანასწორო ბრძოლაში.

ირინა გოგიტაური



ქართველი ვყოფილიყავი“. ლესიაობის დღესასწაულის აღნიშვნა 1952 წლის 3 აგვისტოდან იღებს სათავეს, გიორგი ლეონიძის ინიციატივით, როდესაც საზეიმოდ გაიხსნა თამარ აბაკელიას მიერ შესრულებული ლესიას ძეგლი, მისი სახელობის მუზეუმი, ბიბლიოთეკა და ქუჩა. ამავე დღეს, უკრაინის მთავრობის დადგენილებით, მირგოროდის სასაფლაოზე საფუძველი ჩაეყარა დიდი პოეტის დავით გურამიშვილის ძეგლს.

დამოუკიდებელი საქართველოს ისტორიაში, 1994 წელს, საქართველოსა და უკრაინას შორის დიპლომატიური ურთიერთობის დამყარების შემდეგ, პირველი ელჩი, რომელმაც სახლ-მუზეუმი მოინახულა, ანატოლი კასიანენკო გახლდათ. უფრო მჭიდრო ურთიერთობა დელეგაციების ურთიერთგაცვლის აღდგენაზე დაიწყო 2003 წლიდან, სტეპან ვოლკოვეცის ელჩობის პერიოდში. ამ წელს უშუალოდ ლესიას სამშობლოდან ჩამოვიდა წარმომადგენლობა, ხოლო 2004 წელს ხაშურიდან უკრაინაში გაემგზავრა პირველი დელეგაცია, 1988 წლის შემდეგ. იყო არაჩვეულებრივი დახვედრა და მასპინძლობა, რომლითაც უკრაინელებმა ლამის ქართველებსაც კი აჯობეს, - იხსენებს ბატონი ტარიელი.

როგორც ლესია უკრაინკას საზოგადოების თავმჯდომარე, უკრაინის საელჩოსთან ერთად ორგანიზებას უწევს ნებისმიერ ღონისძიებას, რომელიც უკრაინასა და მომე ხალხთან ურთიერთობას ეხება. მისი აქტიური ჩართულობით ტარდება „ლესიაობის“ დღესასწაული, თუ დელეგაციის მიღება - გაგზავნა, დამოუკიდებლობის დღეების აღნიშვნა, პოპულარიზაციას უწევს ლესია უკრაინკას შემოქმედებას, ისევე როგორც უკრაინაში უყვართ და აფასებენ დავით გურამიშვილს. ბატონი ტარიელი განსაკუთრებით ამყობს ფაქტით, რომ მისი რეკომენდაციით და უშუალო დახმარებით, 100-ზე მეტმა ქართველმა ახალგაზრდამ დაამთავრა უკრაინის სხვადასხვა სახელმწიფო უნივერსიტეტი (ბაკალავრი, მაგისტრატურა, რეზიდენტურა, დოქტორანტურა) მათ შორის ლუგანსკის, დონეცკის, მარიუპოლის სახელმწიფო უნივერსიტეტები. რამდენიმე წელია მისი ინიციატივით დაიწყო ზრუნვა ლესია უკრაინკას სახლ-



ხაშურის მუნიციპალიტეტში გენდერული ბიუჯეტის დანერგვა იგეგმება

გენდერული ბიუჯეტირება ინოვაციური მიდგომაა, რაც გულისხმობს გენდერული თანასწორობის ასპექტების ჩართვას საბიუჯეტო პროცესში და საბიუჯეტო რესურსების ისეთ გადანაწილებას, რომელიც ხელს შეუწყობს გენდერული პერსპექტივის ინტეგრირებას ყველა სფეროში.

აღსანიშნავია, რომ გენდერული ბიუჯეტირება არ გულისხმობს ქალთა და მამაკაცთათვის განსხვავებული ბიუჯეტის შედგენას ან ბენეფიციართა დაყოფას გენდერულ ჭრილში, არამედ იგი წარმოადგენს საბიუჯეტო პროცესის იმგვარ ფორმირებას, რაც



გულისხმობს საბიუჯეტო სახსრების თანასწორად და ინკლუზიურად გადანაწილებას.

გენდერული ბიუჯეტირების პროცესში მუნიციპალიტეტს საექსპერტო დახმარებას უწევს გერმანიის საერთაშორისო თანამშრომლობის საზოგადოება (GIZ).

GIZ ექსპერტმა ნინო ლოლაძემ და საქართველოს პარლამენტის გენდერული თანასწორობის საბჭოს წარმომადგენელმა ანა მაგრაქველიძემ ხაშურის მუნიციპალიტეტის მერიისა და საკრებულოს თანამშრომლებისთვის გენდერული ბიუჯეტირების საკითხზე

სამუშაო შეხვედრა ჩაატარეს.

შეხვედრას ესწრებოდა მუნიციპალიტეტის საკრებულოს თავმჯდომარე ნინო ლიპარტელიანი, მუნიციპალიტეტის მერიის



სამსახურების ხელმძღვანელები, საკრებულოს კომისიათა ხელმძღვანელები და გენდერული თანასწორობის საბჭოს წევრები.

შეხვედრის მონაწილეები გაეცნენ მეთოდოლოგიას, რაც მათ დაეხმარება, ბიუჯეტირების პროცესში განხორციელდეს პროგრამების გენდერული ანალიზი და განისაზღვროს შედეგების შეფასების ინდიკატორები, რაც სახელმწიფო რესურსების თანაბარი გადანაწილების კარგი საშუალებაა.

გენდერული ასპექტის გათვალისწინება განხილულია, როგორც შედეგზე ორიენტირებული ბიუჯეტირების ერთ-ერთი კომპონენტი, ისეთი მნიშვნელოვანი მიმართულებები, როგორცაა ინფრასტრუქტურის განვითარება, ჯანდაცვა, განათლება, სოციალური დახმარებები, კულტურული და სპორტული პროგრამები და სხვ. აუცილებლად საჭიროებს სიღრმისეულ შესწავლას და გენდერული თანასწორობის უზრუნველყოფაზე ორიენტირებული კონკრეტული ცვლილებების შემუშავებას, - აღინიშნა შეხვედრაზე.

ხაშურში, ფულადი სოციალური დახმარების პროგრამით, 4 თვეში, უკვე 953-მა მოქალაქემ ისარგებლა

2022 წლის 4 თვეში ხაშურის მუნიციპალიტეტის მერიის სოციალურად დაუცველი მოსახლეობის ფულადი სოციალური დახმარების მუნიციპალური პროგრამის ფარგლებში 406 435 ლარი დაიხარჯა. პროგრამით მუნიციპალიტეტში რეგისტრირებულმა 953-მა მოქალაქემ ისარგებლა.

მუნიციპალიტეტში მცხოვრებ მოქალაქეებს საშუალება აქვთ ისარგებლონ მერიის ყოველწლიური სოციალური პროგრამის 22 მუხლის დახმარებით, რომელიც სხვადასხვა კატეგორიაზეა გათვლილი. დახმარების რაოდენობა ყოველწლიურად იზრდება. 2022 წელს პროგრამაში დამატებულია ახალი მუხლი ოჯახში ძალადობის მსხვერპლთა დახმარების შესახებ.

2022 წლის სოციალური პროგრამის ბიუჯეტი განსაზღვრულია 1 041 800 ლარის ოდენობით, თუმცა, საჭიროების შემთხვევაში, საკრებულოს გადაწყვეტილებით დაფინანსება იზრდება წლის ბოლომდე, რათა პროგრამით გათვალისწინებული დახმარება ყველა ბენეფიციარმა მიიღოს.



ხაშურსა და სურამში ხიდების რეაბილიტაციისა და ფასადების განათების სამუშაოების ჩატარება იგეგმება

სამუშაოების ჩასატარებლად ტენდერი უკვე გამოცხადებულია. შესყიდვის სავარაუდო ღირებულება 224 383 ლარია. პროექტის ფარგლებში იგეგმება ხაშურში რუსთაველის, აღმაშენებლის,

ტაბიძის და გოგებაშვილის ქუჩებზე არსებული ხიდების, ასევე დაბა სურამში ეწ. „შავი ბოგირის“ სრული რეაბილიტაცია და განათება.

განათდება მერიის, სამუსიკო სკოლის, რკინიგზის სადგურის, კოსტავას ქუჩის მრავალბინიანი კორპუსების ფასადები, ასევე სურამის ციხე. სატენდერო წინადადებების მიღება 2022 წლის 2 ივნისიდან დაიწყება.

- ახალი წიგნები -

„დროის კრიალოსანი“

შემოქმედებითი ნიჭით დაჯილდოებული ადამიანები ვერ ისვენებენ, შემოქმედებითი მუხები არ აძლევენ მათ ამის საშუალებას, ისინი ყოველთვის და მუდამ ცდილობენ თავისი ხილვები სამზეოზე გამოტანონ და რაღაც ახლით მიიზიდონ მკითხველის ყურადღება.

ქალბატონი მაყვალა ხაჩიძის შემოქმედებას კარგად იცნობს საზოგადოება, ის მართლაც გვანებიერებს ახალ-ახალი წიგნებით და დღენიდავ ცდილობს, ამ წიგნებში, თავისი ნაფიქრით გაასულიეროს წარმოსახული სამყარო, რომელიც მისი გონიერების სიფართოვეზე და სიცხადეზეა დამოკიდებული.

მისი შემოქმედება საიმისოდ არის შექმნილი, რომ არ დაივიწყოს არაფერი, რაც ეკუთვნის ყველას, ვინც რაიმე კვალი დატოვა ჩვენს ცხოვრებაში, წერს მათზე, ვინც აშენებს, ანგარიშობს, მოძრაობს

და თავის კვალს ტოვებს ჩვენი არსებობის სივრცეში. ქალბატონი მაყვალა ხატავს და ძერწავს დიდი სითბოთი და სინაზით აღსავსე სტრიქონებს და ქმნის დასამახსოვრებელ გარემოს-მითუმეტეს, რომ ჩვენ ხშირად არ გვახსოვს ადამიანები, რომლებიც არსებობდნენ, ან მანკიერი ჩვეულებები ხშირად გვაიძულებენ დუმილით ავუაროთ გვერდი მათ არსებობას ან მივჩქვალთ მათი დამსახურება.

ქალბატონი მაყვალა თავის ახალ წიგნში „დროის კრიალოსანი“ ნაირგვარი ხილვების უნარით, გვაიძულებს, ვიფიქროთ, თუ საიდან იღებს დასაბამს მისი ასეთი აქცენტები. ის ახალი ფორმით ამდიდრებს შემოქმედებით სფეროს, რომელსაც წინ უძღვის დაკვირვება, გრძნობების ინდივიდუალური ბუნება, ქმედითობის სხვადასხვა უნარი, რაც მეტად საინტერესოს ხდის მის შემოქმედებას.

ჯანმრთელობა და შემოქმედებითი წარმატებები არ მოკლებოდეს ამ ღირსეულ და შესანიშნავ შემოქმედს.

გივი გელაშვილი

- ევროპის დღეები - 2022 -
საინტერესო შეხვედრა ქვიშხეთში

„ევროპის დღეები 2022“ - ის ფარგლებში ხაშურის მუნიციპალიტეტის სოფელ ქვიშხეთში, დიმიტრი ყიფიანის სახლ-მუზეუმის ეზოში, ხაშურისა და ქვიშხეთის საჯარო სკოლების მოსწავლეებისთვის საინფორმაციო-შემეცნებითი ღონისძიება გაიმართა. ახალგაზრდებმა ქვეყნის ღირსშესანიშნაობების გაცნობასთან ერთად, მიიღეს ინფორმაცია საქართველოს ევროინტეგრაციის პროცესისა და მისი სარგებლის შესახებ. შეხვედრა, ნატოსა და ევროკავშირის საინფორმაციო ცენტრის

საქართველოს ევროპული ინტეგრაციის პროცესი, მნიშვნელობა და პერსპექტივები გააცნო და ამ მიმართულებით მოსწავლეების შეკითხვებს უპასუხა.



შეხვედრის დასრულების შემდეგ, მოსწავლეებმა დიმიტრი ყიფიანის სახლ-მუზეუმი მოინახულეს.

„ევროპის დღეები 2022“ 9 მაისს დაიწყო და 25 მაისამდე გაგრძელდება. ევროპის დღეების მიზანია საქართველოს ევროპული ინტეგრაციის პროცესის შესახებ საქართველოს მოქალაქეების ინფორმირება და სხვადასხვა სამიზნე ჯგუფების ჩართულობის გაზრდა. მზარდი ანტი-დასავლური პროპაგანდის ფონზე, მნიშვნელოვანია საზოგადოებასთან ინტენსიური დიალოგი და მოქალაქეების აღნიშნულ პროცესში აქტიური ჩართვა, რაც თავის მხრივ, საქართველოს ევროპული ინტეგრაციის მიმართ საზოგადოების მხარდაჭერის წინაპირობაა.



ხელმძღვანელმა თამარა წულუისკირმა და ნატოსა და ევროკავშირის საინფორმაციო ცენტრის შიდა ქართლის ბიუროს წარმომადგენელმა გახსნეს.

შეხვედრას ხაშურის მუნიციპალიტეტის საკრებულოს თავმჯდომარე ნინო ლიპარტელიანი და ხაშურის რესურსცენტრის უფროსი ზვიად გოგუაძე ესწრებოდნენ.

ღონისძიების დამსწრე 50-მდე მოსწავლეს ფონდი “ღია საზოგადოება საქართველოს” ევროინტეგრაციის პროგრამის მენეჯერმა ვანო ჩხიკვაძემ

ასეთი იქნება განახლებული სკვერი სურამში, 9 აპრილის ქუჩაზე - რკინიგზის სადგურის მიმდებარედ, რეაბილიტაციის შემდგომ.

სარეაბილიტაციო სამუშაოები უახლოეს პერიოდში დაიწყება.



ა(ა)პ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.
D-ით მონიშნული სტატია იბეჭდება დაკვეთით გაზეთი იბეჭდება თბილისში.